

TEZAUUR LITURGIC
29 IANUARIE

ACATISTUL
SOBORULUI
SF. ECATERINBURGULUI



MOSCOVA, 2000



Акафист

собору Екатеринбургских

СВЯТЫХ

Кондак 1

Честнии и сла́внии свя́тии Ека́теринбу́ржстии, от ве́ка Бо́гови благоугодившии, и в Ца́рствии Небе́сном днёсь ликовству́ющи, похва́льная пе́ния прино́сим ва́м мы́ грёшнии, вы́ же, я́ко иму́ще дерзнове́ние ко о́бщему́ все́х Влады́це и Го́споду, от вся́ких на́с бе́д и напа́стей свобо́ждайте благоприя́тными ва́шими моли́твами, да со умиле́нием взыва́ем си́це: Ра́дуйтесь, вси́ свя́тии земли́ Ека́теринбу́ржския, Це́ркве Христо́вы похва́ло и украше́ние.

И́кос 1

Тро́ицы Святы́я Престо́ла стра́шнаго, я́ко А́нгели предста́телие торжеству́юще яви́стеся, на весе́лие все́х правосла́вных собира́юще, мы́ же ве́рою серде́чною от души́ подви́заеми, и благоговё́ния дү́хом исполня́еми, помина́ем сла́вныя по́двиги ва́ша, и гла́сы хвале́бными зове́м тако́вая:

Ра́дуйтеся, Святы́я Трои́цы честна́я и чи́стая
селéния;

ра́дуйтеся, с Небесé бо днёсь нáм возвещáете
Тоя́ велéния.

Ра́дуйтеся, Ангелов собесéдницы, со Апóсто́лы
и Проро́ки ны́не велича́емии;

ра́дуйтеся, в селéниях пра́ведных со все́ми
святы́ми ра́вно ублажа́емии.

Ра́дуйтеся, бо́дрии нáши блюсти́телие от
навéтов áда прелéстных;

ра́дуйтеся, и лени́вых подвижа́ющи
достизáти высóт Небесных.

Ра́дуйтеся, сла́вными венцы́ на Небесéх
увенчáнии;

ра́дуйтеся, тёплии ходáтай, от Бо́га нáм
даровáнии.

Ра́дуйтеся, всех нас заступа́ющи во вся́кой
нуждé и скóрби;

ра́дуйтеся, все́м нáм помога́ющи в
совершéнии дéл благих и до́брых.

Ра́дуйтеся, чистоты́ и целомуд́рия предив́нии
хранителие;

ра́дуйтеся, е́же о Бо́же жи́тельства и́стиннии
люби́телие.

Ра́дуйтеся, всі́ святіи́ земли́
Екатери́нбу́ржскія, Це́ркве Христо́вы похва́ло и
украше́ние.

Конда́к 2

Еди́наго на потре́бу искати́ на земли́
прему́дренно подвиго́стесе, святіи́, е́же да́рует
пресла́дкое в Ца́рствии Бо́жием на Небеси́
пребыва́ние, те́мже труды́ вся́ческими
подвиза́стесе, и разли́чныя ско́рби, искуше́ния,
гонё́ния и сме́рть со благода́рением претерпе́сте;
и ны́не от жити́я сего́ в жи́знь ве́чную
преше́дше, со А́нгелы прісно́ поёте: Аллилу́ія.

И́кос 2

Це́ркве Небе́сныя и земны́я украше́ния яви́лися
есте́, святіи́ Екатери́нбу́ржстии, вы́ бо я́ко
не́кая прекра́сная ка́менія драгоце́нная
просия́сте, и я́ко не́цыи дивни́и цвёти райстии
процвето́сте пред Го́сподем, те́мже чту́ще
мно́гия и пресла́вныя ва́ша я́же о Христе́
по́двиги, умилённым се́рдцем от души́ поём ва́м
тако́вая:

Ра́дуйтеся, серафимски́ ми́лости Бо́жия огнём
вы́ну горя́щии;

ра́дуйтеся, от зл́а бесо́вскаго а́ки кри́лы херуви́мскими ве́рныя заслоня́ющие.

Ра́дуйтеся, любве́ Бо́жия ве́яние благотво́рное лю́дем излия́вшии;

ра́дуйтеся, и́же всю́ си́лу де́монов а́ки ды́м разгна́вшии.

Ра́дуйтеся, поги́бшия о́вцы в райску́ю вводя́щие сла́дость;

ра́дуйтеся, А́нгелом Небе́сным о ни́х принося́щие ра́дость.

Ра́дуйтеся, те́плии любите́лие ду́ш, Христо́вою Кро́вию искупле́нных;

ра́дуйтеся, гро́знии устраши́телие ми́ром, плóтию и диа́волом побежде́нных.

Ра́дуйтеся, стра́шнии бесо́в лука́вых прогоните́лие;

ра́дуйтеся, хра́брии зло́бных наве́тов их победите́лие.

Ра́дуйтеся, вся́ бе́ды и печа́ли от челове́к удаля́ющие;

ра́дуйтеся, все́м призыва́ющим ва́с ско́рую по́мощь посыла́ющие.

Ра́дуйтеся, всѣ́ святѣи́и земли́
Екатери́нбу́ржскія, Це́ркве Христо́вы похва́ло и
украше́ние.

Конда́к 3

А́ки созвѣ́здіе прекра́сное, украша́ющее не́бо
Це́ркве Ру́сскія, сия́ете, святѣи́и земли́
Екатери́нбу́ржскія, вы́ бо свѣ́тъ от
присносу́щнаго Свѣ́та Бо́жія прии́мше, вся́
ве́рныя оза́ряете че́стны́м ва́шим
предста́тельством, те́мже в па́мяти ва́шей
успа́ждающе́ся, пои́м просла́вльшему ва́с
Влады́це Бо́гу: Аллилу́ія.

И́кос 3

По́вести сла́вныя о претру́дных ва́ших по́двизех
слы́шаще, уди́вляе́мся, вы́ бо си́лою свы́ше
осене́ннии су́ще, на вся́кую зло́бу врага́ ро́да
на́шего до́блественно́ подвиго́стеся, те́мже
безпреткнове́нне вся́ блага́я начинáния ва́ша
соверши́вше, крѣ́пкаго врага́ до ко́нцá
низложи́ли есте́, сего́ ра́ди зове́м ва́м се́рдцем и
усты́ тако́вая:

Ра́дуйтеся, земна́я скороги́бну́щая блага́ па́че
ме́ры не хвали́вши;

ра́дуйтеся, Небе́сная вечно́пребыва́ющая
возда́ния улучи́вши.

Ра́дуйтеся, мо́ря житёйскаго во́ды го́рькия
до́бре прешедшии;

ра́дуйтеся, ве́ры Божёственныя о́гнь в сердца́
сво́я приёмшии.

Ра́дуйтеся, все́х бо тепло́ю любве́ и́стинныя
согрева́ете;

ра́дуйтеся, росо́ю бо непосты́дныя наде́жды
уны́ние пото́пляет.

Ра́дуйтеся, ве́янием благода́ти Ду́ха Свя́та
ве́рныя услажда́ющи;

ра́дуйтеся, твёрды́м шестви́ем в Ца́рствие
Бо́жие де́моны ужа́сающи.

Ра́дуйтеся, я́ко тяжкия́ у́зы грехо́вныя
сокруши́те;

ра́дуйтеся, я́ко стопа́ми лёгкими́ к Бо́гу
восхо́д соверши́те.

Ра́дуйтеся, пучи́ну зо́л моли́твою ва́шею
изсуша́ющи;

ра́дуйтеся, пла́менем ходата́йства ва́шего
ве́рных ду́ши ороша́ющи.

Ра́дуйтеся, все́и святи́и земли́
Екатери́нбу́ржския, Це́ркве Христо́вы похва́ло и
украше́ние.

Кондак 4

Естество́ на по́двиг пону́дивше, свя́тии
Екатери́нбу́ржстии, пачеесте́ственнаго
возда́ния от Царя́ все́х сподо́бистеся, вы́ бо
дерзнове́ние по Бо́зе Вседержи́теле ре́вностне
разжещи́ потща́вшеся, я́ко о́гнь небесный зе́млю
оси́яли есте́, те́мже пресла́вному блиста́нию его́
удивля́ющеся, пе́снь хвале́бную прино́сим Бо́гу,
Подате́лю благи́х: Аллилу́ия.

И́кос 4

Тьмы́ бесо́вския своим е́же о Бо́зе де́ланием
посра́мивше, и трево́лнений мо́ря житейскаго
че́стно избе́гше, ко оти́шию Небесному́ во отра́ду
Ца́рствия Бо́жия лёгкими стопа́ми ве́ры пра́вья
внидо́сте, и отту́ду призира́ете на пребыва́ние
претру́дное Це́ркве Бо́жия в земли́ сей
многмяте́жней и плачев́ней; не лишите́ у́бо
хода́тайства своего́ ва́м принося́щих пе́ния
тако́вая:

Ра́дуйтеся, от дре́ва жи́зни в раю́ сла́дости
сподо́бившиися вкуси́ти;

ра́дуйтеся, устраи́ющии ду́ши на́ша о Го́споде
плодоноси́ти.

Ра́дуйтеся, те́рния ду́шепа́губных
заблужде́ний растерза́ющии;

ра́дуйтеся, цвѣты добродѣтелей произра́щати
вѣрным помога́ющие.

Ра́дуйтеся, я́ко ва́ми шу́ма многомяте́жнаго
ми́ра сегó исхища́емся;

ра́дуйтеся, я́ко вѣ́ну в ти́хость свѣ́та
Божѣ́ственнаго призыва́емся.

Ра́дуйтеся, благоле́пием добро́ты жити́я
ва́шего А́нгелы увесели́вши;

ра́дуйтеся, си́лою по́двиг ва́ших бесо́м печа́ль
учини́вши.

Ра́дуйтеся, высоты́ ра́ди ва́шего к Бо́гови
устремле́ния на землѣ́ почита́емии;

ра́дуйтеся, смире́ннаго ра́ди земна́го
жи́тельства на Небеси́́ возвы́ша́емии.

Ра́дуйтеся, благоуха́нием бо ходата́йства
своего́́ вся вѣ́рныя достига́ете;

ра́дуйтеся, смра́да бо грехо́внаго скорѣ́е
удаля́тися навча́ете.

Ра́дуйтеся, вси́́ святы́и земли́́
Екатери́нбу́ржскія, Це́ркве Христо́вы похва́ло и
украше́ние.

Кондак 5

Разум богопросвещенный стяжавше, мирскаго пристрастия избегли есте, Христо́вы уго́дницы, изряднии воево́ды ратоборцев за ве́ру Христо́ву, тёплии утёшителие все́м напа́ствуемым и обременённым скорбьми́ мно́гими, от Го́спода просла́влени есте́ явлéнием чудес, и́миже собра́сте нас умилённою душо́ю пéти Го́сподеви: Аллилу́ия.

Икос 5

Аще и земни́ бы́сте, святии, спасéние и блажéнство райское по́двиги свои́ми унаслéдовасте, ни в чём же лишéни сущe, но ра́вную пла́ту с дрéвними вéлиими святы́ми от Небéснаго Домовлады́ки приéмше; моли́те приле́жно, во е́же и нам немощны́м и грéшным житиé сие́ вре́менное без поро́ка проводи́ти, да зове́м вам:

Ра́дуйтесь, посетите́лие и помо́щницы в страстéх бédствующим;

ра́дуйтесь, посрамите́лие и наказáтелие на бра́тию свою́ наветствующим.

Ра́дуйтесь, незаходи́мая сия́ния зари́ мь́сленныя;

ра́дуйтеся, безúмия бесóвскаго помрачíteлие
вы́спреннии.

Ра́дуйтеся, звёзды у́тренния, на восто́це
сия́ющия;

ра́дуйтеся, да́же и до за́пад сия́нии свои́ми
досяза́ющия.

Ра́дуйтеся, мо́лнии, облистава́ющия се́вера и
мо́ря предёлы;

ра́дуйтеся, гро́ми, оглаша́ющии ю́га и
пусты́ни уде́лы.

Ра́дуйтеся, я́сносвётлии бисери, и́миже на́ша
земля́ украша́ется;

ра́дуйтеся, во́ды живы́я исто́чницы, и́миже
ва́р грехо́вный охлажда́ется.

Ра́дуйтеся, крѣ́ни се́льнии, ми́р в злосмра́дии
неве́рия вла́ющийя облагоуха́ющии;

ра́дуйтеся, ке́дри мо́щнии, под се́нию своёю
пу́тники от зно́я укрыва́ющии.

Ра́дуйтеся, всѣ́ святѣ́и земли́
Екатери́нбу́ржския, Це́ркве Христо́вы похва́ло и
украше́ние.

Кондак 6

Странницы по слову Апостолу явитесь на земли, Отечества своего Небеснаго зыскующии, святии Екатеринбуржстии, темже всякое слово риторское не довлёт к достойному песнохвалению вашему, пачеестественне бо подвизавшесе во плоти немощней, Богом прославлени явитесь, чудес богатством вас обогатившаго, мы же теми озаряеми, благодарственне поём Ему: Аллилуия.

Икос 6

Твёрдо о Христе имуще тщание, явите всём, яко всякий возраст не неудобь бывает благочестию, аще осенит свыше благодать Божия, яже немощная врачующи и оскудевающая восполняющи, темже и вы, угодницы Божии, во всяцем возрасте Богу угодивше, добродетели различныя удобно совершили есте, и ныне поём вам таковая:

Радуйтесь, утро благодати Божественныя житием своим возвещающи;

радуйтесь, Дне Господня и воздаяния делом своим чающи.

Радуйтесь, вечер жития своего со смирением сретавши;

ра́дуйтеся, но́щь нестро́ений жи́тэйских
ве́рою освещавшии.

Ра́дуйтеся, я́ко сия́нием моли́твы мра́к
отча́яния разгоня́ете;

ра́дуйтеся, я́ко ве́ры свѣ́т в сердца́х
жела́ющих ю́ обрести́ возжигаете.

Ра́дуйтеся, ва́ми бо со́н губи́тельный от
на́ших ве́жд удаля́ется;

ра́дуйтеся, ва́шею бо сла́вою бо́дрость в ду́ши
на́ша вселя́ется.

Ра́дуйтеся, к пробужде́нию от мра́чнаго сна́
грехо́внаго ми́р зову́щии;

ра́дуйтеся, си́лу к соверше́нию
безпреткнове́нному земна́го ше́ствия подаю́щии.

Ра́дуйтеся, учившии нечу́вствие к добру́ а́ки
зло́ преодолева́ти;

ра́дуйтеся, запове́давшии благих́ восприя́тие
а́ки досто́инство похваля́ти.

Ра́дуйтеся, вси́ святїи́ земли́
Екатери́нбу́ржския, Це́ркве Христо́вы похвало́ и
украше́ние.

Конда́к 7

О́чи се́рдечны́я к Бо́гу устре́млени́ иму́ще, свя́тии, врагу́ на подви́жники прі́сно ополча́ющесе́, жесто́ким жити́ем проти́вуста́те, пло́ть ду́хови покорі́вше, и сла́вою земно́ю не уязви́тесе́, все́ю душе́ю Бо́гови прилепíвшесе́, те́мже и чуде́сы́ свои́ми всю́ зе́млю Ру́сскую исполня́ете, благоговéйно взыва́юще чуде́с Творцу́: Аллилу́ия.

И́кос 7

Ро́да на́шего удо́брение́ благо́е бы́вше, стена́ твёрдая́ яви́тесе́ все́м челове́ком, к заступле́нию ва́шему притека́ющим, свя́тии Ека́теринбу́ржстии, те́мже моли́тесе́ разу́му пода́тиса́ на́м Боже́ственному, вы́ бо немерца́ющим сия́юще све́том, со все́ми про́чими святы́ми ны́не водворя́етесе́, и приими́те от на́с ра́достны́я похва́лы сия́:

Ра́дуйтесе́, свещи́, безбо́жия мра́чнаго тьму́ прогоня́ющия;

ра́дуйтесе́, лампа́ды, ми́р Небе́сным весе́лием просвеща́ющия.

Ра́дуйтесе́, исти́ны ева́нгельскія ве́рнии ревни́телие;

ра́дуйтеся, ересей и раско́лов всегро́знии
обличителие.

Ра́дуйтеся, по пу́ти спасе́ния все́х ве́рных
веду́щи;

ра́дуйтеся, пучи́ны грехо́вныя ско́рии
изсушителие су́щии.

Ра́дуйтеся, гу́сли дивни́и, пе́сни
Богоду́ховенны́я сла́достно возглаша́ющи;

ра́дуйтеся, цевни́цы духо́вныя, хвале́ние Бо́гу
с ли́ком пра́ведных воспева́ющи.

Ра́дуйтеся, огне́м Ду́ха Свята́го кади́ла
возжже́нная;

ра́дуйтеся, испо́лнившии благоуха́ния ве́сь
кру́г вселе́нныя.

Ра́дуйтеся, бо́дрии Правосла́вия побо́рницы;
ра́дуйтеся, си́льнии о нас ко Спа́су
моли́твенницы.

Ра́дуйтеся, все́и святы́и земли́
Екатери́нбу́ржския, Це́ркве Христо́вы похва́ло и
украше́ние.

Конда́к 8

Освяще́ния Божество́ннаго испо́лнили есте́
земли́ ва́шея концы́, еди́но попече́ние во мно́гих

телесѣх имѹще, о ѣже благоугодити Господевѣ,
тѣмже образ житія праведнаго в себѣ нам
показаѣте, сим всех подвижающе в похвалах
достодолжных взывати Богу: Аллилуя.

Икос 8

Житія богоугоднаго правила явѣстеся,
светоподательнии свѣтѣльницы и предѣвнии
чудотворцы Екатеринбургския земли, и от силы
в силу восходяще, яко сосуди честнии благодати
Божия показатеся, нецыи бо от вас священства
даром почтѣни пред Богом ходиша, инии в
мирском звании жительствующе праведни
обретѣшася, тѣмже удивляюще многому
вашему терпѣнию и верѣ, ублажаем вас звании
сими:

Радуйтеся, пречудная в человецех удивлѣния;
радуйтеся, бесѣв страшная помрачѣния.

Радуйтеся, добродѣтелями просиявшии;
радуйтеся, яже о Христѣ любовью пылавшии.

Радуйтеся, храмы всечестнии, Богу
освященнии;

радуйтеся, Того благодатию присно
осенѣнии.

Ра́дуйтеся, честни́и ходата́и и́щущим спасе́ния;

ра́дуйтеся, возводя́щие па́дших ко исправле́нию.

Ра́дуйтеся, ве́рнии наста́вницы богому́дрия;

ра́дуйтеся, гро́знии облича́телие суетму́дрия.

Ра́дуйтеся, ре́вности о сла́ве Бо́жией исполне́нии;

ра́дуйтеся, того́ ра́ди в Ца́рствие Бо́жие вни́ти удосто́еннии.

Ра́дуйтеся, все́и святи́и земли́ Ека́теринбу́ржския, Це́ркве Христо́вы похва́ло и украше́ние.

Конда́к 9

Ева́нгелие Христо́во в души́ своёй всели́вше, любо́вь и милосе́рдие оби́льно все́м явля́ете, мно́гажды проше́ния на́ша исполне́нием их предва́ряюще, даде́ся бо ва́м от Го́спода много́различная благода́ть, те́мже дне́сь плоды́ ходата́йства ва́шего утеша́еми, Бо́гови со умиле́нием поём: Аллилу́ия.

И́кос 9

Ны́не слы́шим вы́, святы́и, и по преста́влении
ва́шем, я́ко тру́бы многогласны́я, чудесы́
ва́шими благовествующи́я нам всемо́щную си́лу
Христо́ву, е́юже сме́рть попра́ся и жи́знь ве́чная
челове́ком дарова́ся, те́мже прие́млюще
заступле́нием ва́шим в ско́рбех утеше́ние, в
неду́зех исцеле́ние, в бе́дах ско́рое вспоможе́ние,
Го́спода прославля́ем, ва́м же, ве́рным слуга́м
Его́, от серде́чных любве́ воспева́ем:

Ра́дуйтеся, ве́ры благия́ плоды́ днесь на
Небеси́ вкуша́ющие;

ра́дуйтеся, к ва́м притека́ющие ве́рныя те́ми
услажда́ющие.

Ра́дуйтеся, му́жества и терпе́ния наста́вницы;
ра́дуйтеся, не́мощей на́ших ми́лостивии
целительницы́.

Ра́дуйтеся, бли́жния, я́ко себе́, возлюбивши́;
ра́дуйтеся, во искуше́ниях се́рдце свое́ не
ожесточивши́.

Ра́дуйтеся, бога́тыя бо милосе́рдию ко убо́гим
и оста́вленным науча́ете;

ра́дуйтеся, си́рыя бо и вдови́цы от напа́стей и
бе́д защища́ете.

Ра́дуйтеся, нра́вов благи́х и до́брых насади́телие;

ра́дуйтеся, злы́х стремле́ний и де́л искорени́телие.

Ра́дуйтеся, оби́димых хра́брии предста́телие;
ра́дуйтеся, оби́дящих всегро́знии наказáтелие.

Ра́дуйтеся, вси́ святи́и земли́ Екате́ринбу́ржския, Це́ркве Христо́вы похва́ло и украше́ние.

Конда́к 10

Кре́ст свой благоду́шне на ра́му свою́ воспри́имше, во вся́ ору́жия Бо́жия облекóстеся, те́мже возмо́госте проти́ву ста́ти все́м ко́знем диа́вольским, ны́не же и нас, грехми́ обу́реваемых, предста́тельством ва́шим свободи́те, я́ко да зове́м чуде́с Творцу́, о́бщему́ все́х Влады́це Христу́: Аллилу́ия.

И́кос 10

Оби́льно плоды́ много́различны́я Бо́гу прине́состе, страда́ньми Христа́ ра́ди, терпе́нием гоне́ний, де́лы возде́ржания́ и милосе́рдия удобри́вшеся, сего́ ра́ди дарова́ся ва́м благода́ть Бо́жия, я́ко и чуде́са пресла́вная соверша́ти; мы́

же сіми чудесы научаемы, тщание восприемлем похвалити яже о Христе труды и подвиги ваша, зовуще:

Радуйтеся, златозарнии светильницы, путь к Богу освещающи;

радуйтеся, смирения глубину житием своим являющи.

Радуйтеся, презревши мира дольняго тленную благодать;

радуйтеся, ныне вкушающи горе нетленную сладость.

Радуйтеся, беспомощных и отчаянных нежданно яко на рукуносящи;

радуйтеся, печальных и унынием объятых дивно веселящи.

Радуйтеся, болезней всяческих безмезднии целителие;

радуйтеся, скорбных и озлобленных сердец блазии посетителие.

Радуйтеся, яко вашими молитвами благочестие доньше соблюдается;

радуйтеся, яко вами единение в место вражды укореняется.

Ра́дуйтеся, о́блацы росоно́снии, ослабля́ющие
зно́й страсте́й на́ших;

ра́дуйтеся, звёзды, я́же в но́щи скорбе́й на́м с
Небесе́ возблиста́ша.

Ра́дуйтеся, вси́ святии́ земли́
Екатери́нбу́ржския, Це́ркве Христо́вы похва́ло и
украше́ние.

Конда́к 11

Пропове́дницы сла́вных дея́ний ва́ших, святии́
Екатери́нбу́ржстии, яви́шася мно́зи, бога́тии и
убо́зии, ста́рцы и ю́нии, свяще́нницы и мирсти́и,
вы́ бо все́м любо́вь свою́ излия́сте, те́мже
правосла́внии, си́лою моли́тв ва́ших ми́лость
Бо́жию обрётше, Го́сподеви пою́т: Аллилу́ия.

И́кос 11

Еди́ному Бо́гу благоугоди́ти потща́вшеся, Ду́ха
Свя́та до́м избра́н пока́застеся, святии́, вы́ бо
сло́во Апосто́льское поми́нающе, я́ко подоба́ет
Бо́гу повинова́тися па́че не́жели челове́ком,
веле́нием безбо́жным и душевредным
противуста́ли есте́, сего́ ра́ди слы́шите от все́х
благохвалéния тако́вая:

Ра́дуйтеся, жесто́кою стезе́ю в Ца́рство Бо́жие
торжеству́юще внидо́сте;

ра́дуйтеся, я́ко орли́ высокопа́рнии, та́мо
ю́ность свою́ обрето́сте.

Ра́дуйтеся, подви́жницы, опа́сно возше́дшии
степенъми ле́ствицы;

ра́дуйтеся, Небе́сныя ра́дости ве́чныя
провозвѣстницы.

Ра́дуйтеся, я́ко ва́ми поспешеству́еми, суеты́
прираже́ния отрѣва́ем;

ра́дуйтеся, я́ко ва́шим заступле́нием зла́го
врага́ хотѣния низлага́ем.

Ра́дуйтеся, ору́дия си́лы Бо́жия, изыма́ющия
а́дскаго пла́мене;

ра́дуйтеся, благода́ти Христо́вы су́ще чу́дное
зна́мение;

Ра́дуйтеся, злосла́вное отступни́ческое
любому́дрие разоря́ющии;

ра́дуйтеся, правосла́вное благоче́стие до́бре
уясня́ющии.

Ра́дуйтеся, ва́ми бо много́разли́чная
благоче́стия свѣ́ше посыла́ются;

ра́дуйтеся, к ва́м бо возно́симая моле́ния
предивно́ исполня́ются.

Ра́дуйтеся, всѣ́ святѣ́и земли́
Екатери́нбу́ржскія, Це́ркве Христо́вы похва́ло и
украше́ние.

Конда́к 12

Стена́ твёрда бы́сть любовь ва́ша ко Го́споду,
ёюже утверди́шася сердца́ ва́ша, богоно́снии
Екатери́нбу́ржстии свѣ́ты, сего́ ра́ди всѣ́м
притека́ющим к ва́м с ве́рою и любовью́, я́ко
утвержде́ние неподви́жимое обрета́етесь, да
вся́ческая Христо́у приобря́щете, те́мже
вознеси́те моли́тву ва́шу ко Го́споду, во ё́же
непоколебимей бы́ти Це́ркве на́шей, да сла́вится
и́мя Госпо́дне пѣ́снию: Аллилу́ия.

И́кос 12

Но́ваго не́ба и но́вья земли́ по обетова́нию
Христо́ву ча́юще, крё́пко подвиза́стеся о
Правосла́вии, вну́тренняго челове́ка на вся́ко
вре́мя обновля́юще, и труды́ пра́ведными плóть
от рабо́ты нетле́ния свобожда́юще, и та́ко
сме́ртию жи́знь вѣ́чную уллучи́сте; те́мже у́бо
моли́твою криле́ душам ва́шим изра́стившии,
ны́не подвигните и на́с, во ё́же сла́вити Бо́га и
взыва́ти:

Ра́дуйтеся, в по́двизех о Христе́ посеще́ния и
утеше́ния Бо́жия сподо́бльшиися;

ра́дуйтеся, добро́ту неизрече́нную сла́вы Его́
лицезре́ти удосто́ившиися.

Ра́дуйтеся, ка́ющихся и па́ки
исправля́ющихся хода́таи преусе́рднии;

ра́дуйтеся, борю́щихся со страстьми́ и
похотьми́ помо́щницы преизря́днии.

Ра́дуйтеся, обита́телие преблаже́ннии ми́ра
го́рняго;

ра́дуйтеся, засту́пницы многомо́щнии ми́ра
до́льняго.

Ра́дуйтеся, я́ко со́ль, жити́е и ве́ру на́шу
благода́тно осоля́ющи;

ра́дуйтеся, я́ко град, верху́ го́ры стоя́й, от
грехо́вных по́мыслов охраня́ющи.

Ра́дуйтеся, слова́ Господня́, я́ко бога́тство
мно́го, в сердца́х свои́х сокры́вши;

ра́дуйтеся, за́поведей Бо́жиих пу́ти, и́миже
теко́сте, все́м се́рдцем возлюбивши.

Ра́дуйтеся, ми́лость бо ва́ша к стра́ждущим
николи́же оскудева́ет;

ра́дуйтеся, грехо́в бо челове́ческих мно́жество
ва́ша любы́ покрыва́ет.

Ра́дуйтеся, всѣ́ свѣ́тїи земли́
Екатери́нбу́ржскїя, Це́ркве Христо́вы похва́ло и
украше́ние.

Конда́к 13

Овели́цыи и сла́внии свѣ́тїи земли́
Екатери́нбу́ржскїя, приимѣ́те мѣ́лостивно сїе́
приноше́ние убо́гое, и моли́твами ва́шими
сохрани́те нас в жи́зни се́й от недуѓ душе́вных и
теле́сных, по преста́влєнии же на́шем помози́те
от ве́чных му́к изба́виться, да сподо́бимся купно́
с ва́ми во Ца́рствии Небе́сном вы́ну пѣ́ти Бо́гу:
Аллилу́я.

Этот конда́к чита́ется трижды, затем ѡ́кос 1-
й и конда́к 1-й.

